

Johannes Assuerus Ampzing

**Programma In Obitum Mettae Kraenduncks/ Uxoris Viri ... Dn. Joachimi  
Stockmanni, Phil. & Med. D. ...**


Rostochi[i]: Pedanus, 1627

<http://purl.uni-rostock.de/rosdok/ppn771915640>


Druck Freier  Zugang



Assverus, J.  
in  
M. Kraendunck,  
uxor. J. Stockmann.  
Rostock, 1627.







PROGRAMMA

In Obitum

FOEMINÆ LECTISSIMÆ

METTÆ

Braenduncis /

Uxoris

Viri Clarissimi Doctissimi,

DN. JOACHIMI STOCKMANNI,

Phil. & Med. D. excellentissimi, Physices in hac  
Academia Professoris ordinarij.




ROSTOCHI

Literis JOACHIMI PEDANI,

ANNO M, DC, XXVII.

12



RECTOR  
ACADEMIÆ ROSTO-  
CHIENSIS

JOANNES  
ASSVERUS

Amplius Transilvanus Med.  
D. ac Professor.



Vocatur Mors *via* *universa*  
*terra* 3. Reg. 26. diciturq;  
*pervasisse in omnes homines*  
Rom. 5. quam S. Scriptu-  
ræ sententiam quotidia-  
na confirmat experien-  
tia inde à mundi exordio  
& prima humani generis origine. Nihil ita-  
que miremur si dicente Poeta, *Mista senum*  
*ac juvenum densentur corpora*, & *nullum Sava*  
*caput Proserpina fugiat*, siq; *æterna fœdera servans*  
MORS

*mors magnos parvosq; terat, si fortibus aqvet imbel-  
les, populisq; Duces seniumq; iuventa.*

Experitur illam communem omnium  
hominum sortem hodierno die vir excel-  
lentissimus & doctissimus, Dn. JOACHI-  
MUS STOCKMANNUS, Phil. & Med.  
D. & Physices Professor, collega & amicus  
noster amanter colendus, simulq; persenti-  
scit illud Paulinum, 1. Cor. 7, 28. *Conjuges af-  
flictionem habituros in carne:* qui charissimam  
uxorem suam METTAM Kraenduncks / vita  
hac mortali functam hodie ad sepulturam  
efferendam & in monumento ponendam  
curabit.

Vixit cum hac in placido conjugio indè  
à die octavo Decemb. Anni 1623. usq; ad  
25. Febr. Anni currentis 1627. quo die in  
puerperio mortua est, annum ætatis agens  
trigesimum sextum: quippe quæ 13. Mar-  
tij Anno 1591. in hanc lucem prodierat.

Nec verò infœcundum hoc fuit Conju-  
gium quippe ex quo Dei benedictione tri-  
na proles prognata fuerit. nempe duæ filiæ,  
& unus filius. Et filius quidem patris no-

A 2

men



men mutuatus, JOACHIMUS, natus fuit  
12. Maij 1623. qui sicut nascendo, magno  
gaudio affecerat Parentes, ita antequam  
compleret quartum mensem, acerbo func-  
re raptus, eosdem non leviter affixit.

Ambæ filiolæ, quarum prior MARIA 18  
Augusti 1624. nata, in surrepti fraterculi lo-  
cum succrevit, altera *Metta* matri cogno-  
minis, ambæ inquam Dei beneficio sunt su-  
perstitæ: quarum hæc à nutricis pendens  
uberibus, illa preces rudiori lingua imitari  
inceptans, patrem viduum utcunq; conso-  
lantur.

Porro patrem habuit Defuncta nostra  
virum reverendum & doctissimum, Dn.  
VINCENTIUM *Kraendunc*/ Ecclesiæ  
*Hasfeldensis* Pastorem olim vigilantissimum:  
matrem verò, MARIAM *Helms*/ quæ &  
ipsa anno superiori 1626. hic apud nos diem  
obiit, mundoq; æumnarum pleno valedi-  
xit. Atq; hæc quidem hæc hactenus de histo-  
ria Defunctæ nostræ ob cuius tam inopi-  
nam & præproperam mortem clarissimus  
maritus in mœrore jacet, & acerbissimo  
luctu affligitur. Et

Et nunc tu quidem clarissime & amicis-  
sime Dn. Collegam mihi hoc loco esses con-  
solandus, nisi ipse consolationibus abun-  
daret tum Philosophicis, tum politicis, tum  
ijs etiam quæ è sacrae Scripturae fontibus  
petuntur. Nosti illud Senecæ, *Omne huma-  
num genus quodcumq; est, quodcumq; erit, morte  
damnatum esse*, Epist. 72. Idem alibi. *Nemo  
tam imperitus est, ut nesciat sibi quandoq; morien-  
dum. Quid fles miser? quid trepidas? omnes  
hac necessitate ducuntur: eò ibis, quò omnia eunt.  
Ad hanc legem natus es, hoc patri tuo accidit, hoc  
matri, hoc majoribus, hoc omnibus ante te, hoc  
omnibus post te*, Epist. 78.

Ipsa Scriptura sancta idem docet mul-  
tis in locis, tum ijs quos initio indigitavi,  
tum alijs. Sententia universalis est, *Pulvis  
es & in pulverem revertèris*, Genes. 5. *Hoc ju-  
dicium à Domino omni carni, Omnia quæ de terra  
sunt, in terram convertuntur*. Eccles. 41. Et  
*Stipedium peccati Mors*, Rom. 6.

Xerxes ille Persarum Imperator, qui  
170. hominum myriadibus, hoc est, decies  
septies centenis millibus per totum quin-  
quennium contractis Græciæ bellum in-  
tulit:

tulit: cū tantam hominum multitudinē  
ex editiore specula aspexisset, fertur tene-  
riter lachrymasse: quod post centum an-  
nos ex tanto hominum numero nemo ef-  
fet superfuturus. de quo quidem Xerxe D.  
Hieronymus author mellifluā eloquentiā  
fluens ad Heliodorum scribit in hæc verba.  
*Xerxes ille magnus, rex potentissimus, qui subvertit  
montes, maria constravit, cū è sublimi loco infini-  
tam hominum multitudinem, & innumerabilem  
vidisset exercitum: fleuisse dicitur, quòd, post cen-  
tum annos, nullus eorum quos tunc cernebat, super-  
futurus esset. O si possemus super talem ascende-  
re speculam! de quā universam terram sub pedibus  
cerneremus! jam tibi ostenderem totius mundi rui-  
nas, gentes gentibus, reges regibus, regna regnis col-  
lisa. Alios torqueri, alios necari, alios absorberi  
fluctibus, alios in servitutem trahi. Hic nuptias, i-  
bi plactum; illos nasci, istos mori: alios affluere di-  
vitijs, alios mendicare. Et non tantum Xerxis  
exercitum, sed totius Mundi homines qui nunc vi-  
vant in brevi spatio defuturos. Vincitur sermo  
rei magnitudine, & minus est quod dicimus. Re-  
deamus igitur ad nos, & quasi è celo descendentes  
paullisper nostra videamus. Sentis obsecro te quan-  
do infans, quando puer, quando senex factus sis.*  
Quo-

*Quotidie morimur, quotidie commutamur: Et  
tamen aternos esse credimus?*

Argumentum quod ex his locis ducitur consolatorium, solum à moriendi necessitate ducitur: sed melior eorum est consolatio, qui dicente M. Tullio, non modò quia necesse est mori, verùm etiam quia nihil habet mors, quod sit horrendum, mortem non timent.

Quam equidem posteriorem consolandi rationem nullæ Gentes extra Dei fœdus constitutæ (ut ut eam affectent) arrogare sibi possunt, tota hæc ad solam Dei pertinet Ecclesiam, sub cuius pedibus Dominus & Servator noster Mortem & Satanam contrivit, Rom 16, 20. Genes. 3, 15.

Hac tu consolatione fretus Dn. Collega, & amice integer, cogita te uxorem non amisisse sed in cœlestem patriam, supernam illam Hierosolymam præmisisse, sanctam & immaculatam quippe lotam & pastam carne & sanguine agni illius nivei & immaculati, in quem credidit viva & in cuius fide moriens ex hoc seculo emigravit. Deus det illi beatam & lætam resurrectionem à mortuis.

Nunc

Nunc vos spectatissimi, clarissimiqve cives Aca-  
demici mihi compellendi estis ut hora à meridie secundo  
hoc funus frequenti comitatu honorificè deducatis.  
Ipsi Defunctæ Manes hoc à vobis obnixè contendunt.  
Maritus hoc meretur, qvippe Professor & R. Concilij  
assessor ordinarius, Peto idem ex officio & ego, confi-  
dens meæ etiam apud vos petitioni aliquem datum,  
iri locum. Præstemus piè defunctæ hoc ultimum  
Christianæ pietatis officium, idem mortui ab alijs expe-  
ctaturi. Adesdum Reverendi, Consultissimi, Expe-  
rientissimi, Clarissimi, Doctissimi, Dn. Professores  
alijqve Doctores, Verbi administri, alijqve Magistri,  
& vos generosi Juvenes quarumcunqve Facultatam  
Studiofi, Discite mori, & inter comitandum seriò de  
vestra ipsorum mortalitate cogitate, tum vel maxime  
de serua ad Deum conversione, quæ in vera cordis  
contritione, firma Christi Mediatoris per fidem appre-  
hensione, & in minime fucata sed sincera gratitudine  
vitæqve sanctimonia sine qua nemo Deum videbit,  
Heb. 12. 14. consistit. Deus det Ecclesiæ suæ & Acade-  
miæ huic tranquilla Halcioria, avertat ab urbe hac  
totaque provincia bella & rumores bellorum: ut sub  
Principibus Megapolitanis, Dominis nostris clemen-  
tissimis vitam degere possimus tranquillam cum omni  
pietate & honestate. P. P. Rostochij ad diem 28. Fe-  
bruarij Anno M. DC. XXVII.













Quotidie morimur, quotidie con-  
tamen aternos esse credimus?

Argumentum quod ex h-  
tur consolatorium, solum a mo-  
sitate ducitur: sed melior eo-  
solatio, qui dicente M. Tullio  
neesse est mori, verum etiam quia  
quod sit horrendum, mortem non t-

Quam equidem posterio-  
landi rationem nullae Gentes  
dus constitutae (ut ut eam affe-  
re sibi possunt, tota haec ad so-  
tinet Ecclesiam, sub cuius pe-  
nus & Servator noster Mortem  
contrivit, Rom 16, 20. Genes.

Hac tu consolatione fretu-  
ga, & amice integer, cogita te  
amisisse sed in caelestem patriam  
illam Hierosolimam praemissi-  
& immaculatam quippe lota  
carne & sanguine agni illius ni-  
culati, in quem credidit viva  
de moriens ex hoc seculo emi-  
det illi beatam & laetam resu-  
mortuis.

